

HAUR HEZKUNTZAKO LEHEN ZIKLOARI DAGOZKION IKASKETAK EMATEN DITUZTEN IKASTETXE PRIBATUAK BAIMENTZEKO BALDINTZAK

Ikastetxe pribatu bat ireki eta funtzionamenduan jartzeko baimena lortu nahi bada, eskaera aurkeztu beharko da Hezkuntza Azpiegituren Zerbitzuan, edozein erregistro publikoren bitartez eta martxoaren 26ko 28/2007 Foru Dekretuaren 22. artikuluan eta azaroaren 26ko 30/1992 Legean (1993ko urtarrilaren 13ko EAO) ezarritakoaren arabera. Eskaera Hezkuntza Baliabideen zuzendari nagusiari zuzenduko zaio, eta honako datu eta agiriak izanen ditu:

1. Ikastetxearen sustatzaile den pertsona fisikoa edo pertsona juridikoa. NANaren fotokopia aurkeztu beharko da pertsona fisikoen kasuan, edo eratze eskritura, indarrean den legediari jarraikiz, pertsona juridikoen kasuan, pertsonalitatea egiaztatu ahal izateko.
2. Era berean, ikastetxearen sustatzaile den sozietatearen izenean jardun ahal izateko ahala ematen duen dokumentazioa ere aurkeztu beharko da, ordezkariaren Nortasun Agiri Nazionalaren fotokopiarekin batera, honen pertsonalitatea egiaztatu ahal izateko.
3. Ikastetxearendako proposaturiko izendapen orokor eta berariazkoa.
4. Geografikoki kokatzeko datuak: ikastetxea kokatuko den herria, kalea eta zenbakia adierazi beharko dira.
5. Zein irakaskuntzetarako eskatzen den baimena, zehaztuz zein adineko ikasleri zuzentzen zaizkion.
6. Adin bakoitzerako sortu nahi diren unitateak eta ikaspostuak.
7. Aitorpena, pertsona sustatzailea aipaturiko Foru Dekretuaren 14.4 artikuluan aurrez ikusitako egoeretako bakarrean ere ez dagoela esanez.
8. Instalazioei dagokienez (aldez aurreko aholkularitza jasoko dute 848 423204 eta 848 426204 telefonoetan), 26ko 28/2007 Foru Dekretuaren 16. artikuluan zehazten dira behin betiko baimenerako baldintza fisikoak, eta uztailaren 25eko 72/2012 Foru Dekretuko lehen xedapen iragankorrean hiru urterako baimena eskatzen bada bete beharrekoak. Ondoko dokumentazioa aurkeztu behar da eskatzen diren baldintza horiek betetzen direla egiaztatzeko:
 - **Ikastetxea eraiki gabe badago**, eraikitzeke egin beharko diren obren proiektuaren ale bat aurkeztu beharko da.

- **Ikastetxea existitzen bada**, planoen ale bat aurkeztu behar da, eskalan, gaur egungo osaerarekin, eta hala badagokio, birmoldatzeko beharrezkoak diren obren proiektua.

Proiektuan eta planoetan berariaz adieraziko dira helburua (ikasgelak, komunak, etab.) eta bakoitzak zer azalera (m2) izanen duen. Gaitutako profesional batek sinatu beharko ditu. Obra proiektuek ez dute behar den lanbide elkargoaren bisaturik beharko, baina bai gaur egungo instalazioak edo bukatutako instalazioak bilduko dituzten behin betiko planoek.

Zehazki, gaur egungo instalazioen planoak igortzen diren direnean, plano horiek, gainera, ondoko baldintzak bete beharko dituzte:

- Oinplanoak izan behar dira, ahal dela 1/100 eskalan marraztuak (inoiz ez eskala hori baino txikiagoak).
- Altxaerak, sekzioak... etab. edo beharrezko jotzen dena aurkeztuko da oinplanoak ez badira nahikoa oraingo egoera edo proposamena ulertzeko eta soilik oinplanoekin ezin bada egiaztatu eskatutakoa betetzen dela (martxoaren 26ko 28/2007 Foru Dekretuko eskakizunak behin betiko baimenerako, edota uztailaren 25eko 72/2012 Foru Dekretuko lehen xedapen iragankorreko eskakizunak hiru urterako baimenerako).
- Oinplanoetan espazio bakoitzaren azalera erabilgarria eta erabilera adierazi beharko dira. Ikasgeletan adina eta unitate kopurua ere adierazi beharko dira (adibidez: 1-2 urteko haurren unitate 1eko ikasgela – 35 metro koadro). Komunetan altzariak eta aparatu sanitarioak marraztuko dira. Planoetan kanpoko eta barneko ate eta leihoen kokapena, neurria eta zabaltzeko modua irudikatu beharko da.
- Ikastetxearen baldintzak behar bezala ulertze aldera, kokapen-plano bat erantsi beharko da. Kokapen-planoan adierazi behar dira eraikin mugakideetan baimendutako jarduerak (adibidez: merkataritza lokala, taberna... etab.).
- Ikastetxeak ez badu aire libreko jolastokirik, "**salbuespen gisa, jolastoki modura erabili ahal izanen du ikastetxetik sarbide zuzena duen aisialdirako gune publiko bat, betiere haurren segurtasuna bermatua badago**". Kasu horretan, justifikatu beharko da:
 - o Aisialdirako gune publikoa erabiltzeko aukera, ikastetxearen erabilera **esklusiborako** baimena aurkeztuz. Baimen hori gunearen titularrak sinatu beharko du (udala, auzokideen erkidegoa, etab), eta bertan adieraziko da zein

denbora tartetan erabiltzeko baimena dagoen, zein izanen den erabiliko den gunea eta esanez erabilera eskusiboa ahalbidetzeko espazioa mugatuko dela

- Jolastokira sarbide zuzena, ahal dela 1/100 eskalan marraturiko oinplano bat aurkeztuz. Bertan egiaztatu ahal izanen da zein den jolastokiaren azalera, eta erabiliko den denboraldi guztian komunikazio zuzena eta jarraitua dagoela ikastetxeko irteera edo sarrerako atearekin.
- Jolastokiaren segurtasuna, eremu guztia mugatuz, erabiliko den denboraldi guztian. Hurrek erabiltzeko homologaturik dagoen hesia jarriko da. Horretarako, ezarriko den hesiaren fitxa teknikoa aurkeztuko da.

9. Ukitutako eraikinak erabiltzeko eskubidea justifikatzen duen titulu juridikoa, eta titulu juridikoaren barnean sartzen den erabilera epea aurkeztu beharko dira.

10. Ebazpen bidez aitortzen bada obra proiektuak edo proposatutako eraikinak oro har ezarritako gutxieneko beharkizunetara egokitzen direla, interesdunak eskatuko du **ikastetxeari bigarren faseko baimena ematea**. Horretarako, onetsitako proiektuaren arabera egindako obrak bukatuta egonen dira, egindako lanak biltzen dituzten gaur egungo planoekin batera obra bukaerako ziurtagiria aurkeztuko da –obra horiek orrialde honetako 8. ataleko ezaugarriak izan beharko dituzte–. Ez da beharkizun gehiago bete beharko baldin eta jadanik dauden instalazioak egokituko direla aitortu badu ebazpenak. Eskaera Hezkuntza Azpiegituren Zerbitzuan utzi beharko da, sarrerako erregistroaren bitartez, eta Hezkuntza Baliabideen zuzendari nagusiari zuzenduko zaio.

11. Eskabidearekin batera ondoko informazioa igorriko da, Foru Dekretuaren 28. artikularen 2. puntuak arautzen duenarekin bat:

- Gaitutako teknikari batek sinatu eta behar den elkargo profesionalak bisatutako ziurtagiria, zeinetan adieraziko den espazio eta instalazioak, osasunari, higienerari eta segurtasunari dagokionez, egokiak direla. Bertan zehaztuko da kanpoko jolastokia espazio horietan sartuta dagoela.
- Langileen zerrenda, bakoitzaren tituluen egiaztapenarekin, edo ikastetxea zabaldu baino hilabete lehenago aurkezteko konpromisoa. Irakasle titulua aurkezten badute, kopia jatorrizkoarekin behar bezala konpultsatua aurkeztu beharko da. Profesionalen titulazioak ikastetxeen gutxieneko betebeharrei buruzko otsailaren 12ko 132/2010 Errege Dekretuko 8. artikuluko 1. eta 2. puntuan eskaturikoak izanen dira.

- Proposamen pedagogikoa, Haur Hezkuntzako espezialitatea duen maisu edo maistra batek edo Eskolaurrea espezialitatea duen OHoko tituludun batek sinatua.
- Altzariak eta ekipamendua egiaztatzeko agiriak. Ondokoa zehaztu beharko da:
 - Gela edo areto bakoitzeko altzariak eta ekipamendua.
 - Altzarien eta ekipamenduaren ezaugarri teknikoak, eta modelo bakoitza identifikatzeko moduko argazkiak, eskatutako baldintza teknikoak betetzen direla egiaztatze aldera.